

egisti quod rectum erat, et placebat in oculis meis (nempe quia zelose delevisti Baalitas), et omnia que erant in corde meo fecisti (non simpliciter, et absolute, sed) contra domum Achab, filii tui usque ad quartam generationem sedebunt super thronum Israel.

Hinc recte notat Estius, in facto Jehu duo esse consideranda: unum est mendacium et simulatio, alterum est zelus ejus pro cultu unius Dei, et vindicta justissima contra impios cultores idolorum. In primo non est laudandus, neque factum ejus imitandum: at in secundo facto commendationem meretur: unde et Deus promisit illi remunerationem.

Obj. II. Id, quod fecit Jehu, fecit presente, et ut credibile est, approbante Jonadab, prudente et religioso viro: illum enim, ut patet ex §. 16 et 17, *impositum in curru suo, duxit in Samariam*, ut eum, quem omnes habebant pro viro sancto et pio, haberet solum, et ex ejus nutu zelum Domini exsequeretur. Hic autem Jonadab est ille, qui laudatur Jerem. 35, qui postea Rechabitis praecepit ne biberent vinum, aut domos aedificarent.

R. Non esse certum, quod ea, que fecit Jehu, fecerit ex consilio et approbatione Jonadab. Potius credibile est, quod ab resto militari abreptus, ad ea processerit. Et quamvis ex consilio viri probi et prudentis id fecisset, non omnino esset ideo excusandus: in iis enim, quae pertinent ad bonos mores, nullus excusat, si sequatur erronea opinionem alicujus magistri: siquidem in talibus ignorantia non excusat; ut docet D. Thom. Quodlibeto 8, art. 15.

Obj. III. Jehu processit bona fide: volebat enim penitus extirpare Baalitas; quod non nisi tali stratagemate facere potuisset. Praeterea tantum jussit, ut quod isti sacrificuli faciebant occulte, jam facerent publice, ut hoc signo illos reprehendere et opprimere posset. Insper scandalum, si quod fuerit in tanta rerum et religionis perturbatione, leve et breve fuit, statimque se prodidit veritas. Ita Tirinus.

R. quod intentio etiam optima, opus intrinsecum malum, ut est mendacium et simulatio idolatriæ, penitus cohonestare nequeat: sed neque hoc stratagemate erat opus ad reprehendendos Baalitas: Deus enim, qui volebat eos extirpatos, varios modos habebat, quibus hoc sine peccato fieri posset. Igitur ad Jehu pertinebat, vel exspectare declarationem divine voluntatis de modo quo volebat id fieri, vel oraculum divinum per prophetam aliquem sciscitari.

Praeterea non tantum permisit eos facere unum actum sacrificii publicum, sed etiam ad publicum sacrificium eos invitavit; quod malum est et sine scandalo fieri non poterat: et licet hoc scandalum breve, et etiam leve fuisse supponatur, equidem dari non poterat.

Obj. IV. Jehu erat homo militaris, nec studuerat easibus conscientiæ, ut loquitur A Lapide. Unde quod zelus honoris Dei, ut ex inopinato Baalitas

opprimeret, illi suggerebat, hoc bona fide peregit. R. quod bona fides, sicut et ignorantia difficulter vincibilis, malitiam quidem actus diminuant, sed non penitus tollant. Unde licet multa sint que videntur culpam Jehu extenuare, nullum tamen eorum probat, quod non graviter deliquerit.

Obj. V. Jehu per Baal potuit intelligere verum celi ac terra Dominum. Ita Tirinus. Nam vox *Baal* significat *Dominum*; quod nomen vero Deo competit. In qua hypothesi, neque mendacio, neque simulatione usus est, quia vere intendebat Deum amplius colere, quam Achab eum coluerat. Aut potius per Baal, ut speculator A Lapide, intellexit demonem; quasi dicaret: Achab coluit Baal, id est demonem, victimis animalium; ego amplius eum colam, sed materialiter tantum, victimis hominum, quia Baalitas mactabo, et offeram illi, non quasi Deo, sed quasi Dei archiecaris, qui mere delectatur sanguine et morte hominum impiorum, ut animas eorum abripiat in tartara: magnum enim festum egit daemon in mactatione idololatrarum, quam fecit Jehu, eosque quasi victimas suas letissime acceptavit. Ita A Lapide.

R. quod verba Scripturæ accipienda sint in sensu vulgari et obvio; et sic per Baal non intelligebatur Deus verus, sed idolum, cui re ipsa sacrificium oblatum fuit: unde eventus monstravit, quid per cultum Baal intellexerit et intenderit Jehu: ac proinde rationes in objectione adductæ nullo modo probant, quod Jehu vere non simulaverit cultum Baal.

Obj. VI. S. Hieron. in cap. II, Epist. ad Galat., dicit: *Utilem simulationem assumendam esse in tempore, Jehu regis nos docet exemplum.* Ergo videtur posse execusari a peccato.

R. quod auctoritati S. Hieron. hic merito opponatur auctoritas SS. Aug. et Thomæ, supra citatorum: quia mirum nemini videri debet, quod ita docuerit S. Hieron. siquidem ipse etiam censuit, quod S. Paulus qui ad Galat. II, 11 dicit, quod Petrus reprehensibilis erat, eo quod facto suo gentes judaizare coegerisset, ideoque ei in faciem restiterit, dispensatoria quadam simulatione et mendacio usus fuerit, ut gentiles ad fidem conversos Paulus efficacius averteret a suscipiendis Judaeorum legalibus.

At vero mendacium, etiam in fine bono praesitum, esse illicitum, et S. Petrum vere fuisse reprehensibilem, nec simulate, sed serio a S. Paulo reprehensum, ostendit S. P. Aug., Epist. 19, cuius argumentis et rationibus tandem cessit D. Hieron., ut constat ex lib. III contra Rusinum, cap. 10, et ejus dialogo adversus Pelagium.

Ne hic tomus nimium excrescat, ideo questiones que in sequentia capita moveri possent, hic omittimus: sed tamen easdem proponemus et discutiemus in lib. II Paralipomenon. Sit itaque hujus tertiae partis selectarum S. Scripturæ Questionum finis.

DILUCIDATIO

IN PRIORA CAPITA LIBRI

I PARALIPOMENON.

Præfatio.

Libri Paralipomenon (qui uno apud Hebreos volume recensentur) non male hinc inde *libri Dierum* appellantur: cum in his principiæ contineantur historie que ab initio mundi, usque ad captivitatem babyloniam acciderunt. Paralipomenon tamen idem est, quod *liber Relictorum*, scilicet suppletivus: in his enim libris suppleta reperimus que in prioribus libris historialibus (principiæ Regum) vel desunt, vel non satis aperte et distincte scribuntur.

Porro utrumque hunc librum proto-canonicum esse omnes admittunt catholicci. Utilitas ejus est, quod duplum in aliis libris contentam tollat obscuritatem; quarum una proveniebat ex eo quod positis alibi personarum nominibus, familia, tribus, vel habitationis locus omitterentur. Cum enim varii eodem fuerint nomine appellati, orta est non raro historiarum confusio; et quod a multo seniore gestum

PARS DUODECIMA.

QUÆSTIO PRÆLIMINARIS. — QUI SIT AUCTOR LIBRORUM PARALIPOMENON.

Respondeo: Librorum horum auctorem nonnulli dicunt esse incertum. Communiter tamen interpretes tenent cum fuisse Esdram, scribam et sacerdotem, qui post redditum ex captivitate babylonica, ex particularibus regum Judæa diariis, per prophetas et sacerdotes, regibus coævos, consici solitis, spiritu Dei actus singula compilavit.

Prob. Quia finis librorum Paralipomenon et libri I Esdra initium eisdem fere verbis contextuntur. Sic finitur lib. II Paralip.: *Anno autem primo Cyri regis Persarum, ad explanendum sermonem Domini, quem locutus fuerat per os Jeremiæ, suscitavit Dominus spiritum Cyri regis Persarum, qui jussit prædicari in universo regno suo, etiam per scripturam, dicens: Hæc dicit Cyrus rex Persarum: Omnia regna terræ dedit mihi Deus cœli, et ipse præcepit mihi ut aedificarem ei domum in Jerusalem, quæ est in Judæa. Quis ex vobis est in omni populo ejus? sit Dominus Deus suis cum eo, et ascendat.*

Sic vero incipit liber I Esdra: *In anno primo Cyri regis Persarum ut completeretur, verbum Domini ex ore*

S. S. XXVI.

Jeremiæ, suscitavit Dominus spiritum Cyri regis Persarum; et traduxit vocem in omni regno suo, etiam per scripturam, dicens: Hæc dicit Cyrus rex Persarum: Omnia regna terræ dedit mihi Deus cœli, et ipse præcepit mihi ut aedificarem ei domum in Jerusalem, quæ est in Judæa. Quis ex vobis est in universo populo ejus? Sit Deus illius cum ipso. Ascendat in Jerusalem, etc.

Cum itaque in fine librorum Paralipomenon, et in initio lib. I Esdra habeantur eadem, tam quoad verba quam quoad sensum: hinc satis probabiliter seu plausibiliter videtur erui, unum euvidemque esse qui libros Paralipomenon et librum primum Esdra scripsit. Atqui certum est apud omnes, quod Esdras librum primum Esdræ scripsit; ergo etiam videtur scripsisse libros Paralipomenon.

Obj. I. Lib. II Paralip. V, 9, dicitur... *Fuit arca ibi (in templo) usque in presentem diem.* Atqui hoc non potest dici de temporibus Esdræ; nam ante captivitatem babyloniam propheta Jeremias arcem extulerat et absconderat, ut patet ex lib. II Machab., cap. II, 5: ergo, etc. Hinc putant aliqui, scriptorem librorum Paralipomenon esse Jeremiam, vel Isaiam.

R. verba illa: *Usque in præsentem diem, debere (Trente te une.)*

intelligi de diebus Nathan, Addo, et Ahiae, qui primi Chronica et Diaria regum Juda scripserunt, ex quibus hos libros compilavit Esdras.

Ratio, ob quam sic intelligi debeant, est haec; quod alioquin falsum esset, quod in fine lib. II Paralip. de Cyro narratur quoad adificationem templi, etc. Constat enim diu ante Cyrum regem Persarum arcum a Jeremia fuisse absconditam, templum combustum fuisse, etc. Præterea quod in textu objecto agatur de scriptoribus qui floruerunt sub rege Salomone, patet ex decursu historie in lib. Paralipomenon.

Caterum, quod propheta Jeremias non scripserit hos libros, patet primo: quia ipse scripsit duos posteriores libros Regum, ut tenet communior opinio. Jamvero libri Paralipomenon scripti sunt ad supplendos defectus historiarum, præcipue quæ in libris Regum narrantur: adeoque si ipse libros Paralipomenon scripisset, superflue repetiisset illa quæ in Regum historiis referuntur; cum potius modicum libris Regum addendo, æque duobus libris ac quatuor fuisse confecta historia.

Patet secundo: In lib. Paralip. sèpe allegantur verba prophetæ Jeremieæ, et remittitur lector tanquam ad libros alterius, ut patet ex II Paralip. XXXV, 24 et 25: *Mortuus est (Josias)... et luxerunt eum. Jeremias maxime: cuius omnes cantores atque cantatrices, usque in præsentem diem lamentationes super Josiam replicant, et quasi lex obtinuit in Israël: Ecce scriptum fertur in lamentationibus.* Et cap. XXXVI, 20 et 21: *Donec imperaret rex Persarum, et completeretur sermo Domini ex ore Jeremieæ.* Atqui tale quid non solet facere auctor respectu operum suorum, ut remittat ad ea, tanquam ad aliena; ergo, etc.

Nec etiam dici potest, quod Isaías libros Paralipomenon scripserit. Quia juxta conditionem vitæ humanae, illo tempore erat impossibile tamdiu vivere. Incöpit enim prophetare tempore Oziæ (ut habetur Isaiae I) qui IV Reg. XV dicitur Azarias, regnauitque 52 annis, sub Joatham, qui eodem capite dicitur regnasse 16 annis, et sub Achaz, qui cap. XVI, 2, etiam annis 16 regnasse scribitur; et sub Ezechia, qui regnauit annis 29, ut dicitur cap. 18. Jam autem juxta plurimos Isaías prophetiam suam auspicatus est anno 25 regni Oziæ; et sic quamvis prophetare incöpisset a decimo ætatis suæ anno, habuisse tam post dictos reges 99 annos. Post quos iterum ante captivitatem babylonicam successerunt Manasses, qui IV Reg. XXI, 1, regnauit 55 annis, et Amon eodem cap., 19, annis 2, et cap. XXII, 1, Josias 31 annis, et cap. XXIII, 31, Joachaz 3 mensibus, et eodem cap., 36, Joakim 11 annis, et Joachin 5 mensibus ei 10 diebus, ut habetur III Paralip. XXXVI, 9, deinde Sedecias, qui regnauit 11 annis, IV Reg. XXIV, 18. Quibus si jungantur 70 anni captivitatis, numerando scilicet illos a captivitate Sedecie, deberet Isaías vixisse 279 annis, 6 mensibus, et 10 diebus; supposito quod a decimo ætatis anno prophetare incöpisset. Post reges autem, quos in prophetia sua

nominat, vixisset annis 180. Quæ omnia apparent incredibilia, et contra stylum Scripturæ quæ, enumeraens reges, sub quibus aliquis prophetavit, enumerat omnes.

Addit quod sit constans traditio apud Hebreos et christianos, quod Isaías fuerit serra dissecus jussu Manassis regis.

Inst. Quidni dici possit, primariam partem librorum Paralipomenon ab Isaia et Jeremia esse compositam, et partem posteriorē ab Esdra suppletam, sicut et factum est cap. ult. Deuter., quod non a Moyse scriptum fuit, sed ab alio verisimiliter suppletum est?

R. id asseri non posse, cum communiter auctores et rationes in contrarium militent, nec sint fundamenta, ut in alio casu.

Obj. II. Libri Paralipomenon sunt illi qui in libris Regum citantur sub nomine *dierum regum Juda*; ergo non ab Esdra scribi potuerunt; utpote diu postea tantum nato.

Prob. ant. 1. Ex communi nomenclatura, qua dicuntur libri Dierum.

2. In libris Paralipomenon historie, pro quibus in libris Regum remittitur ad librum Dierum, plane inveniuntur, v. g., III Reg. XV dicitur: *Reliqua... servorum Asa, etc., nonne haec scripta sunt in libro verborum dierum regum Juda?* Et omnia ista inveniuntur lib. II Paralip., cap. XIV, XV et XVI.

3. Ex S. Hieron. qui in prologo Galeato librari Paralipomenon vocat librum Dierum.

R. Neg. ant. Libri dierum namque in libris Regum citati perierunt. Unde verisimile est, fuisse historias prophetarum regibus coævorum, ex quibus forte Esdras haec compilavit.

Ad primam autem probationem dico quælibet librum historicum et genealogicum (quales sunt hi) posse vocari librum Dierum. Quod vero hi non sint illi libri Dierum qui citantur in libris Regum, patet

1. Quia libri Regum sunt posteriores libris Dierum; cum hi citentur in libris Regum, Paralipomenon vero est posterior libris Regum; utpote cum in libro Paralip. describatur captivitas babylonica et redditus ex ea, non autem in libris Regum.

2. Quia de duobus regibus Juda, nempe de Amon,

IV Reg. XXI, et de Joakim, ibidem, cap. XXIII, remittitur ad librum Dierum; et tamen de primo II Paralip.

XXXIII, et de secundo ibidem, cap. XXXVI, nihil ponitur præterquam quod in libro IV Regum positum est.

3. Ipsem librum Paralip. citat librum Dierum, v. g.,

lib. II cap. XXV de Amasia, cap. XXVII de Achaz,

cap. XXXIII de Manasse, et cap. XXXV de Josia;

ergo libri Paralipomenon non sunt libri Dierum.

Ad secundam probationem dico, quod mere acci-

entalis sit aliquas historias reperiiri in Paralipomenon,

pro quibus remittunt libri Regum ad libros dierum:

quia etiam reperiuntur similes in prophetia Jeremieæ;

ut patet in gestis Joakim et Sedecie, de quibus

multa habentur in Jeremia, que non habentur in li-

bris Regum; pro quibus tamen sciendis a libris Regum lector remittitur ad librum Dierum.

Ad S. Hieronymum dico, quod hos libros vocet quidem librum Dierum, sed non dicit esse eundem illum, qui in libris Regum citatur; ac consequenter inde nequaquam sequitur, quod Esdras non sit auctor librorum Paralipomenon.

CAPUT PRIMUM.

Describitur genealogia Adami usque ad Abraham: ab hoc pergitur ad Isae, qui genuit Esaū et Jacob. Tandem genealogia Esaū contexitur usque ad finem capituli.

QUESTIO PRIMA. — QUALES FUERINT REGES QUI Y. 43 DICUNTUR IMPERASSE IN TERRA EDOM.

Nota 1, quod Seir tum pro Esaū, tum pro monte sumatur, in quo, ut dicitur Deuter., II, 12, *Prius habitaverunt Horræ, quibus expulsis atque deletis, habitaverunt filii Esaū, sicut fecit Israel in terra possessionis sue, quam dedit illi Dominus.*

Porro duces montis Seir anterioris temporis enumerantur a y. 36 usque ad 42 inclusive, idque ideo, ut videatur, ex qua progenie uxores suas sumpserit Esaū, nempe ex posteris Seir Horræ.

Nota 2, quod duces, qui hic enumerantur ante reges, tam ex Horræ quam ex filiis Esaū, non successerint sibi mutuo; sed multi eorum simul viixerint, non per terram Seir integrum, sed per partes, seu urbes in particuliari, ita ut duces simul fuerint de Horræ, et filii Esaū, v. g., Lotan frater Thammæ de Horræ dux fuit, similiter Eliphaz primogenitus Esaū eodem tempore dux fuit, sed quisque in regionibus suis. Ubi vero prevaluerunt filii et nepotes Esaū, expulsi Horræ, electus est rex; cuius tamen filii non succedebant patri, ut patet ex textu.

Hec successio regum, ex diversis tamen familiis et civitatibus, duravit usque ad Adad, post quem subacta a Davide Idumæa, II Reg. VIII et hic cap. XVIII, ne rebellarent amplius Idumæi, positi sunt duces ex posteris quidem Esaū, sed præsidio semper positio ad fidelitatem coacti usque ad Joram, IV Reg. VIII, 20, dum jugum excusserunt, sibique denuo regem elegerunt. Hinc

R. et dico, illos reges et duces non omnes fuisse tempore Moysis, sed successive, probabiliter usque ad David qui ultimum regem Idumæorum, nomine Adad, subjugavit, juxta id quod dicitur II Reg. VIII, 14: *Et posuit in Idumæa custodes, statuimus præsidium; et facta est universa Idumæa serviens David.*

Prob. I. Post octo reges fuerunt undecim duces, ut liquet ex textu. Atqui anno quadragesimo ab egrediensi de Ægypto Idumæi adhuc habebant regem, ut patet ex Numer. XX, 14; ergo, etc.

Prob. II. Reges non fuerunt simul, sed successive: unus post mortem alterius, præviis tamen ducibus qui convixerant Esaū et Horræ, ut hic patet ex y. 43 et seq. Atqui spatium a nato Esaū usque ad tempus quo scriberet ista Moyses, non erat tempus sufficiens ut tot generationes et successiones transirent; ergo, etc.

Prob. min. Quia simul nati sunt Jacob et Esaū, et quando Jacob intravit Ægyptum, erat 430 annorum, ut habetur Gen. XVII, 9. Deinde posteri ejus 215 annis fuerunt in Ægypto, ut communiter admittunt omnes. Fingatur præterea, quod Moyses ultimo vitæ anno, id est quadragesimo ab egressu de Ægypto, libros suos scribere incepit: a nato Esaū tunc tantum invenientur 385 anni; quo spatio, cum tunc pluri homines viverent ad 420 annos, et amplius, præter tot duces ante reges, ex Esaū non potuerunt sibi succedere octo reges, additis postmodum undecim ducebū.

Obj. I. Moyses scripsit Genesim; atqui etiam ibi cap. 36 inveniuntur reges et duces, qui hic nominantur; ergo tunc fuerunt.

R. Moysen finem hujus cap. in Gen. non scripsisse, sicut nec illa quæ habentur Deuter. ult. Ipse igitur scripsit duces et reges, qui usque ad sua tempora fuerunt: qui autem postea secuti fuerunt, suppleti putantur in Gen. ab Esdra, post captivitatem babyloniam Scripturæ libros restaurante et in ordinem redigente.

Inst. Si Esdras illos reges supplevisset, debuisset etiam supplere reges Edom, qui post rebellionem sub Joram regnaverunt.

R. Neg. assumpt. Quia post illam rebellionem nec bella nec commercia fuerunt filii Israel cum Edom; ob que tamen, sicut et ob glorificationem Abrahæ ac Isaac, per Ismaelem et Esaū eorum successores reges ac duces describuntur.

Obj. II. Quidni dici possit, quod ultimus hic enumeratus rex Edomi devictus sit a filiis Israel intrantibus terram Chanaan, atque ut salvetur textus, vox duces late accipiatur pro regibus, et e converso vox reges pro ducibus, ut sepe fit in Scriptura; atque ita per primum regem in Israel intelligatur propheta Moyses?

R. hoc dici non posse, quia nec Moyses, nec successores eius reges fuerunt, sed judices et duces usque ad Saül. Præterea non potest hic late accipi vox duces, et reges, quia dicit textus y. 51: *Adad autem mortuo, duces pro regibus in Edom esse cœperunt; adeo ut inter reges et duces clara fiat distinctio,*

Obj. III. Juxta hanc sententiam falsus erit hic textus: *Isti sunt reges... antequam esset rex super Israël;* quia Adad vixisset post regnum Saülis: devictus est enim tantum a Davide.

R. Nego assumpt. Quia Adad potuit assumi in regem Edom ante electum Saülem, et regnasse toto tempore regni Saülis, donec a Davide expugnaretur. Atque ita littera vera manet.

QUESTIO II. — AN SECUNDUS REX EDOM, QUI HIC DICITUR Jobab, FUERIT PROPHETA Job.

R. probabilius affirmative.

Prob. I. ex manifesto testimonio LXX Interpr. sit in fine cap. XLII lib. Job scribentium: *Hi sunt reges, qui regnaverunt in Edom, cuius regionis etiam ipse Job dominatus est.*

Prob. II. Quia ipse liber Job. cap. XXIX, 7, dicit

eum processisse ad portam civitatis (in portis autem olim judicia ferri solebant) et solitam sibi preparari cathedram. Item y. 25 Job de se ait : *Cum sederem quasi rex, circumstante exercitu. Et cap. XIX, 9, conqueritur : Abstulit coronam de capite meo.*

Obj. I. Dicitur tantum quasi rex; ergo inde nihil solidi eruitur.

R. Neg. conseq., quia particula quasi non semper est alienans, ut patet ex Joan. I, 15, ubi dicitur : *Gloriam quasi unigeniti a Patre; Psal. CXXV: Facti sumus sicut consolati; et Marci VI: Quasi unus ex prophetis. Qui loci omnes juxta SS. Hieron. in cap. I Joan., Chrys. hom. 10 in Joan. et Aug. in Psalm. citatum proprie, non alienanter, accipi debent.*

Obj. II. Job in textu hebreo scribitur per litteram Aleph in principio, et Jobab incipit per litteram Jod.

R. initiales et finales litteras sepe mutari in hebreo, adeoque et hic nihil miri; maxime cum Aleph sit littera deficiens, ut dieunt Hebrei, quae aliquando habet vim littera Jod. Sic nihil in sententia aut in persona mutatur, sive nomen Balthasar scribatur in medio per S, sive per Z.

Obj. III. Eliphaz Themanites, et Baldad Suhites, et Sophar Naamathites consolatores Job, lib. Job, cap. II, describuntur tanquam reges. Atqui dum Jobab, quem nos dicimus fuisse Job, gubernavit Idumæam, unus tantum successive rex erat in Edom, ut patet ex toto contextu hujus capituli; ergo illo tempore Job non erat rex in Edom.

Respondet Pineda 1. quod, licet fuisse reges, nihil hic obcesset; quia potuerint ipsi regnare alibi, dum interim Job dominabatur in Edom.

Respondet 2. et forte melius, illos tantum fuisse regulos, seu alicuius civitatis dominos, uni tamen supremo subditos; ut sit in principibus imperii, ubi duces aliqui sano sensu sunt subditi imperatori.

Obj. IV. Jobab erat de Bosra in Idumæa, Job autem erat de terra Hus, ut patet ex Scriptura; ergo, etc.

R. terram Hus esse omnino conterminam Idumæam, et sub ipsa computari; ut in librum Job ostendit catus Pineda.

Porro tres fuerunt civitates nomine Bosra. Prima in regione Trachonitide, in sorte dimidia tribus Manasse trans Jordanem, Josue XXI. Secunda in regione Moabitide in sorte Ruben prope Jordanis influxum, Josue XX et XXI, ubi dicitur Bosor. Tertia istius nominis civitas erat in Edom; nam cum Edom semper conjungitur, v. g., Isaiae XXXIV et XXXVI: item Amos II. Ex hac autem civitate videtur fuisse Job, sive Jobab; et sic fuit ex terra Hus, aut confinibus ejus. Unde S. P. Aug. lib. XVIII de Civ. Dei, cap. 47, ita scribit: *Job, qui nec indigena, nec proselytus, id est advena populi Israel fuit, sed ex gente Idumaea (hoc est, ex posteris Esäi) genus duicens, ibi ortus, ibidem mortuus est.*

Obj. V. S. Hieron. in Quæst. hebraic. super cap. XXXVI Gen. asserit Job fuisse ex stirpe Nachor, fratri Abrahæ; ergo juxta ipsius mentem non fuit ex posteris Esäi.

R. S. Hieron. Ioco objecto non ex propria mente,

sed ex sola relatione et fundamentis Hebreorum pergere. Nam verba S. Hieron. sunt hæc : *Et regnavit pro eo (nempe Bela) Jobab filius Zaræ de Bozra. Hunc quidam suspicuntur esse Job, ut in fine voluminis ipsius additum est. Contra Hebrei asserunt de Nachor eum stirpe generatum, ut supra dictum est. Ex quibus verbis manifestum est quod S. Hieron. tantum perget ex Hebreorum sententia. Quod autem a sententia nostra non fuerit alienus, patet ex Epist. ejus ad Therasiam, ubi sic scribit: *Ad Job veniam... per Esau GENITUM..., inter EDOM PRINCIPES, qui Deo placent, INVENTUM.**

CAPUT II.

Hoc capite describuntur filii Jacob usque ad versum secundum. Quia vero ex Juda nasciturus erat David, ob quem potissimum hic liber scriptus videtur: y. 3 et seq. narratur progenies Judæ patriarchæ usque ad Isai patrem David fratrumque ac sororum ejus.

QUESTIO PRIMA. — AN CALEB, DE QUO HIC y. 18, SIT
ILLE CALEB FILIUS JEPHONE, QUI CUM JOSUE INTRAVIT
TERRAM PROMISSIONIS.

Dicit Abulensis, quod glossa, vel explicatio hebreica putet, quod fuerit idem Caleb. Unde putant Hebrei, quod hic Caleb anno ætatis suæ octavo duxerit Azubam in uxorem, et ex ea anno nono genuerit Jerioth; post hunc natum, mortua Azuba, anno decimo duxerit Ephratam, quam putant fuisse Mariam sororem Moysis, ex qua genuit Hur; qui Hur anno octavo vite suæ pariter genuit Uri; qui Uri anno etiam octavo genuit Beseleel; qui Beseleel anno decimo vitæ sua cœpit fabricare arcam, et ornatum ejus.

Motiva autem eorum sunt hæc: Primum, quod isti Hur, Uri, et Beseleel, qui ponuntur hic, sint illi ipsi qui ponuntur Exod., XXXI. Jamvero iste Caleb, qui cum Josue intravit terram promissionis, eo anno quo egressus est Israel de Ægypto, nondum compleverat 39 annos: quia quando missus est ad explorandam terram, tantum erat 40 annorum, ut haberet Josue, XIV, 7: et tamen ista missio facta est anno secundo egressionis ex Ægypto; quia Israelites moverunt castra de monte Sinai anno secundo, die vigesima mensis ab exitu de Ægypto, ut patet Numer., X, 11. Postea vero habuerunt varias mansiones veneruntque in Cadesbarne, et inde miserunt exploratores; adeoque 58 annos ad summum cum aliquo mensibus habebat Caleb, cum egrederebatur de Ægypto. Porro illi anni complentur, dum enumerantur juxta jam datam glossam.

Secundum motivum ipsorum est, quia putant quod Maria cum Jochabed matre sua fuerint duas obstetrics Hebreorum, quæ non curabant Pharaonis edictum; et quæ licet mentiendo peccaverint, tamen adiuvaviteis Dominus domos, ut dicitur Exod., I, 21: quem textum interpretantur hoc modo: Jochabed genuit Moysen et Aaron, atque ex his venit domus, et familia sacerdotalis; Maria autem nupta Caleb, qui erat de tribu Juda, et princeps in ea; adeoque illi Domi-

nus preparavit domum regalem, etc. Sed hoc fabulosum est. Hinc

R. et dico: Diversi plane sunt Caleb, qui est filius Hesron, et Caleb, qui cum Josue intravit terram promissionis.

Prob. I, ex refutatione alterius sententia: Quia est contra textum Scripturæ, quod Maria et Jochabed ejus mater fuerint illæ obstetricæ, de quibus Exod., I, 15 et seq. Nam obstetricum illarum una vocalatur Sephora, altera Phua, erantque verisimilius mulieres ægyptiæ; ut dictum est Quæst. IV in cap. I Exodi.

Prob. II. Inconveniens est, quod Caleb anno decimo etatis dicitur accepisse Mariam in uxorem. 1. Quia nequidem tunc, multo minus anno octavo, dum singitur duxisse Azubam, et ex ea genuisse prolem, erat aptus matrimonio. 2. Quia Maria in exitu de Ægypto erat ad minus annorum 90, Moyses enim erat tunc annorum 80, Maria vero erat facile 10 annis senior, ut dictum est Quæst. III in cap. I Exodi. Adeoque ipsa nubens Caleb decenni, fuisse circiter 62 annorum, quod ferit aures, præcipue cum Maria esset prophetissa, adeoque et summe honestatis.

Prob. III. Quia etiam constat ex nomine, quod sint diversi Caleb; siquidem Caleb, de quo agitur hic, est filius Hesron, alter vero filius Jephone.

Prob. IV. Hesron pater Caleb, de quo hic, ponitur inter illos qui cum Jacob leguntur ingressi Ægyptum Gen., XLVI, 13. Supponatur ergo Hesron anno 150 ab ingressu in Ægyptum (quod tamen appareat incredibile) genuisse Caleb: cum 215 annis manserint in Ægypto: debuisset Caleb fuisse missus exploratorus terram Chanaan sexagenario major; quandoquidem missus sit anno secundo post egressum ex Ægypto. Atqui Caleb, qui exploravit terram Chanaan illo anno tantum compleverat quadragessimum etatis annum, ut patet ex Josue XIV, 7; ergo, etc.

Prob. V. Non potuit Beseleel tantum esse decem annorum, quando cœpit fabricare arcam; quia Exod., XXXVI vocatur vir; quod dici non potest de pueri decennali, in quo, licet Deus per miraculum dedisset scientiam extraordinariam, non probatur tamen dedisse robur, etc., hocque si factum esset, Scriptura non taceret.

Dices: Caleb, de quo hic, habuit filiam nomine Achsam seu Axam, ut patet ex y. 49; atqui ex Josue, XV et Judic., I liquet, quod Axa fuerit filia Caleb, qui cum Josue intravit terram promissionis; ergo, etc.

R. Neg. conseq. Quia sœpe in diversis familiis et civitatibus convenient nomina parentum et filiorum, qui tamen nullam habent inter se cognitionem, multo minus identitatem. Sic patriarcha Jacob genuit Joseph dominum Ægypti, et alias plane Jacob genuit Joseph virum Marie. Sic ergo etiam, propter fundamenta supra allegata, dicendum est, quod alias fuerit Caleb, et alia Axa, de quibus hic; et alias, et alia, de quibus agitur in lib. Josue et Judicum.

QUESTIO II. — DE QIBUSDAM ALIIS AD HOC CAPUT
SPECTANTIBUS.

Petes 1. quomodo Jair, qui erat de tribu Juda, hic y. 22 potuerit obtinere 23 civitates in terra Galaad, in qua erat sors tribus Manasse, ut patet ex Deuter., III, 13, et Josue, XIII, 31, cum lege prohibatum sit, ne bona unius tribus devolvantur ad aliam, Numer. ult., y. 9.

Dieunt aliqui quod ideo hanc possessionem obtinere potuerit, quia Hesron genuit ex filia Machir Segub, qui Segub genuit Jair; adeoque successit in jura avicæ sue, eo quod Machir ejus abavus forte postea caruerit prole mascula; sive potuit succedere in bona tribus Manassis. Sed id dici non potest, quia Numer., XXVI, 29 et seq., numerantur filii Machir, corumque familie: ac consequenter verum non est quod postea caruerit prole mascula.

Alii explicant, quod illæ civitates primitus pertinenter ad sortem Manasse, sed quod Jair seu ejus posteri eas captas ab hostibus recuperaverint, et sibi retinuerint; sicut juxta aliquos tribus Juda cepit Jerusalem, et sibi tenuit, que tamen erat in sorte tribus Benjamin. Verum haec est mera conjectura nullum habens fundamentum: de illa enim interceptio ne et recuperatione 23 civitatum haud dubie loqueretur Scriptura: nam esset factum memorabile. Unde

R. verisimilius esse, quod Segub a Machir fuerit adoptatus tanquam filius, quia natus erat de filia ejus; sive tam ipse, quam filia ejus, cæterique posteri sunt tribui Manasse connumerati. Sieuti ergo vi adoptionis, Gen., XLVIII, a patriarcha Jacob factæ, filii Joseph, Ephraim et Manasses, constituerunt duplicem tribum, duplèque portionem in terra promissionis obtinuerunt; ita pariter Jair vi adoptionis potuit obtinere 23 civitates in terra Galaad: nam licet vi generationis naturalis esset de tribu Juda, vi tamen adoptionis censebatur de tribu Manasse: et sic obtinendo istas civitates non deliquit contra legem, Numer. ult.

P. 2. quomodo hic y. 31 dicatur: *Sesan genuit Ohalai. Et y. 34: Sesan non habuit filios, sed filias; et servum ægyptium nomine Jeraa.*

Respondent aliqui, quod Ohalai quidem fuerit filius, sed mortuus ante patrem; adeoque posteritas tantum erat speranda ipsi Sesan ex filia. Sed

R. verisimilius Ohalai nomen esse filiæ datae servo ægyptio; atque in secundo textu vocem filias ponit pro filiam.

Porro dedit eam Ægyptio potius, quam alteri ex sua tribu, ut, cum ipse non haberet filium, posset eidem per suam filiam habere posteritatem tanquam suam: si enim ex sua tribu, vel etiam ex aliæ dedisset virum filiæ, ejus filii transivissent ad lineam progenitorum paternam, adeoque censeretur emorta linea Sesan. Cum vero Ægyptius ille non haberet maiores inter Hebreos, ad quos referri poterant posteri: facto hoc matrimonio, recurrente erat finis